



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XLI. Mira Ignatij opera conuersiones animarum.

urn:nbn:de:hbz:466:1-10840

rum putasse non meriti solum ad mercedem ingentis , verum etiam ad honorem . Sed quando non sua , nunc sed boni res publici , salusque multorum ageretur , eius se iudicio , æquitatique permittere , foret ne satis Christianum , pro refractorio punire hominem querendis Christo animis insudantem (nam quid sibi posset aliud opponi ?) & utrum fas esset illum peccata ignorancia publice notare , ut arcerentur ab illius colloquio , quos illi destinabat Deus ad meliora reducendos . His quidem ille , aut per illum Deus Rectoris animum conuenit , qui iam cæcum suum aduentens impetum , oculis prius quam voce respondit ; & prehensum manu Ignatium in aulam induxit expectatione , & discipulis refertam ; tum multis ei cum lachrymis in genua procidens , iniuriæ veniam rogauit , quam ipsi , pariter , & Deo , vel annuisset fieri , vel non vetuisset . Est vero hic idem Iacobus Gouea qui Societate nondum stabilita Ioanni Tertio Lusitanæ Regi auctor fuit , ut in conuersationem Indiarum Ignatij socios adhiberet . Ex quo illa deinceps animarum messis vberima , cuius fecit sementem Xauerius , Indorum Apostolus , & qui Xauerij generosas ærumnas , non minus animosè , quam vestigia triuerunt , haudquam profecto Xauerium expugnasset Ignatij sanctitas , si dedecorata iniquo supplicio , ne sperare quidem in S. Barbaræ illius contubernium valuisse , nedum agere cum illo familiariter , auersaturo videlicet fastidio nobili , consuetudinem hominis ea infamia notati . Sic auctoritatem Ignatij quibus illam perditum ibant ipsius aduersarij , iisdem artibus diuina bonitas stabiliuit . Nam Gouæ sensus talis viri ac tanti , tam humilibus publice officiis testatus , consciuit Ignatio affectionem , plurimorum , sed omnium admirationem . Ipse proximæ auctor tempestatis , illius magister , non modo in gratiam cum illo rediit , sed amavit etiam illum vehementer , habuitque semper tanquam virum Dei , nec dissimilis fuit apud primos Vniuersitatis præceptores Moscosum , & Vallium illius existimatio . Præ cæteris tamen Martialis quidam Theologiæ Professor , intima illi necessitudine adhaesit , & de magnis diuinorum arcans ab eo institui solitus , facile animum induxit , hæc illum coelesti magisterio dedicisse , que nulla in terris pulpita sonarent : atque eo processit , ut ei prius doctoris Theologi tradenda insignia deferret , quam cursum artium peregrinaret , quod quidem Ignatius nec sustinuit audire ; sed hinc non ægrè colligitur : illud cuiusmodi iudicium fuerit Vicarij Complutensis , quo tamdiu Ignatium silentio damnauit , quamdiu Theologus non esset .

Dum hæ Ignatio adspirant auræ , haud quaquam eius ardor septis Collegij se tenere , ac licet æque ut in Hispania non palam , quod esset gallicè imperitus , at occasione vbiunque se daret , ad opem miseris ferendam præsto esse . Pauca referam ex multis , quorum , in suscipiendo industria Charitas in conficiendo felicitas , æternam merentur memoriam . Homo im pudicus alienam perditæ deperibat , flocci habens vitæ discrimen perpetuum ob eam subire cui iam demens animam immolasset . Nihil omisit Ignatius ardoris , & contentionis quo ex tam præsenti , exitio infelicis eriperet vi-

X L I.
Mira Ignatij
opera conuer-
siones anima-
rum.

tam

tam, & temporariam, & æternam. At neque diuinis, nec humanis rationibus quicquam egit; aures enim, vt solet, & oculos, libido insana, ad omnem veri lucem, & recti auditum misero obturarat. Quare alio conuersus antidotum ipsem, vltro sanus & valens haurire decernit, quod à moribundo illud respuente venenum ac mortem expelleret. Hiems erat qualis Parisiis perfrigida, dies in noctem prona, aqua scelesto ad amicam eunti, ponte transmittenda. Illuc se abiecit vestibus collo tenuis demergit Ignatius, tenebriorem expectans impudicum, Deum interea cum fletu enixe supplicans vt flagitosi hominis propidiosos ignes extingueret, atque in hunc finem has suas lachrymas, & conglaciati dolorem corporis ne deditgaretur admittere. Oranti, & aquis in mediis algenti, en adeit nocturnus amator solus secum totus, suisque cum turpibus animi simulachris. Huic Ignatius, vt primum audiri potuit, tremulum sed terribile intonans, verborum telis ardentibus runc dénum pectus misero confixit. Iret perditum sese, suoque se spurcus in luto conuolueret; æquè ad perniciem animæ, & vitæ periculum cæcū: se verò illic & pertinaciter hælurum, & iunctis ad Deum precibus, luiturum illo suimet cruciatu eius nefarias fœditates: iret rediret quo noctibus, reperturum se eodem, & loco, & statu, dum aut illum sua dementia, aut se quod supererat vitæ deficeret. Ad hæc infelix inhorruit, tum verba spiritus vehementis, tum miserandi tormenti spectacula, & apertis tandem tam inustato, & cruciabili remedio in vtraque corporis, animique exitia oculis, ad frugem rediit, & amicissimus Ignatio, cui tanti steterat, semper fuit. Nec aut vulgarius, aut imbecillius, quo alium quendam, & Sacerdotem, & religiosum à turpissimi exempli moribus reuocauit. Erat hominis conditio, & gradus qui libertatem corrigendi in laico, licentiam facile interpretaretur; re igitur, vt in similibus cum Deo, communicata diligenter, Dominica quadam, homini ad pedes accidit peccata confessurus, ac velut vnâ persanandæ, & serænandæ conscientiæ gratia, vitæ omnis præteritæ, particularim lapsus omnes recenset; nec erat hæc sterilis, & nuda sui ipsius manifestatio, sed acri dolore & lachrymis ardens, ad exemplum imitationis lucem præferens audienti, cuius interea Deus sollicitabat mentem, eamque ipsi representabat coram, hoc scelestiorum, quod Sacerdotis cœnobitæ, quam laici, multo sunt lapsus grauiores; exprobribat eidem grauius cum intolerabilis pudore suam duritiem ac frigus, illa errorum confessio interpuncta crebris suspiriis, & fletu, à quibus se tanto longius abesse sentiebat, quanto suum illum confitentem reum improbitate superabat, ac si tum foret Sacerdos Ignatius, munerum vices mutabantur, & rei sui locum, ipse index, dubio procul accepisset. Certo quidem habetur ante confessionem absolutam, fuisse ab eo qui primum fuerat mutatum pœnititus Sacerdotem, manifestasse deinde pœnitenti, animum pessimè laborantem, eique præsidium ex eo ad emendationem petuisse, per quem iam erat morbi sui lethalis, cognitionem sensimque affectus, Potitus yoto Ignatius curam eius suscepit; Exercitiis spiritus excoluit, exemplar

exemplar vitæ pœnitentis ex eo effinxit haud paulò clarus , quām solutæ , ac perditæ anteā fuisse . Fuere hæc duo ex ingeniosæ charitatis disciplina , Ignatij inuenta : tertium quod item Lutetia contigit , suppeditatum ab eodem qui eius materia extitit , seu potius à Deo pilcem sua esca captante . Adibat vir sanctus Doctorem Theologum , virum imprimis clarum , inuenit tudiculis ludentem , exceptusque magna comitate , inuitatus est etiam ad ludendum , siue honoris gratiæ , seu ioco : excusauit Ignatius inscitiam ludi eius rudem , vt qui nec globulum tenuisset vñquam , neque tudiculum , sed vrgenti nihilo secius Doctori , ex interiore afflatu Ignatius , admittam , inquit , Illustrissime Domine quando ita iubes , prouocationem , verū ea lege ne ioco ludam , nam mei similes pauperes , non decet ioco , sed lucro ludere . Cum autem mihi , præter me nihil sit , meipsum libenter in ludi pretium deponam ; & siquidem ludo excidero , solidum mensem me tibi auctorabo ad præstanda quæcumque me posse censueris ; at si è contrario victor euasero , vna mihi tantummodo in re morem geres , quām à te repeatam , tuis rationibus maximè opportuna . Condicitur in conditio nem , Deo vtrinque inspirante , vt proponeretur : & acciperetur , diuersè vtrinque luditur , tam enim feliciter ludum suum lusit Ignatius vt ne semel quidem annulo globulum Doctor traiecerit ; eudenti planè auspicio numinis rectâ Ignatij globulos , temerè , & indoctè missos dirigentis : quem ludi euentum in aliquid maius superiore consilio , sibi comparatum , optimus Doctor intelligens , manus dedit , & conuento stetit , acceptisque per integrum mensem ab Ignatio Exercitiis , eum inde prouentum legit quem semper profecunt , vitæ scilicet vel in bonum , vel in melius castigatae .

M LIBER